

05 JUL 2003

MDC, UM JALIN PAKATAN STRATEGIK DALAM R&D

PUTRAJAYA, 5 Julai (Bernama) -- Perbadanan Pembangunan Multimedia (MDC) dan Universiti Malaya (UM) telah menandatangani memorandum perjanjian (MoU) untuk mengadakan pakatan strategik dalam penggunaan Pusat Aplikasi dan Pembangunan Kreatif (CADC), satu kemudahan di Cyberjaya yang menggabungkan kreativiti dan teknologi.

Megikut perjanjian tersebut, MDC berhasrat menggunakan CADC bagi menjalankan penyelidikan dan pembangunan (R&D), khususnya dalam bidang pembangunan kandungan serta visualisasi dan realiti maya.

Perjanjian tersebut dimeterai baru-baru ini oleh ketua pegawai eksekutif MDC, Datuk Dr Mohamed Arif Nun dan Naib Canselor UM, Datuk Prof Dr Hashim Yaacob.

Dalam kenyataan di sini, MDC melahirkan harapan agar pakatan tersebut menjadi pembuka tirai kepada pihaknya untuk mengadakan kerjasama dengan institusi pengajian tinggi lain dalam usaha memupuk budaya R&D di negara ini.

CADC, yang ditubuhkan oleh MDC dan dirasmikan oleh Perdana Menteri Datuk Seri Dr Mahathir Mohamad pada September 2002, memiliki teknologi terkini termasuk Rangkaian Kawasan Visualisasi yang pertama di Asia pasifik.

-- BERNAMA
MAM SP RHM